

# ხელშეკრულება სახელმწიფო შესყიდვის შესახებ

## №2016-61

ქ. თბილისი

29 ივნისი 2016 წელი

ერთის მხრივ „ერედვის მუნიციპალიტეტი”, მის: დ. აღმაშენებლის გამზირი №89/24, მუნიციპალიტეტის გამგებლის ოთარ ცოტნიაშვილის (შემდგომში „შემსყიდველი“) სახით, და მეორეს მხრივ შ.კ.ს „გლობალ მოტორს ჯორჯია-ჯი ემ-ჯი” მის: ქ. თბილისი, დ. აღმაშენებლის ხეივანი #122 (შემდგომში „მიწოდებელი“), ხელმძღვანელის გოჩა როსტიაშვილის სახით, ვხელმძღვანელობთ სახელმწიფო შესყიდვების შესახებ საქართველოს კანონის (მე-3 მუხლის „ს“) ქვეპუნქტი) მოთხოვნათა შესაბამისად. გამარტივებული შესყიდვის საშუალებით, ვდებთ წინამდებარე ხელშეკრულებას შემდეგზე.

### 1. ხელშეკრულებაში გამოყენებულ ტერმინებს აქვთ შემდეგი მნიშვნელობა

- 1.1. ’ხელშეკრულება სახელმწიფო შესყიდვების შესახებ’ (შემდგომში - “ხელშეკრულება”) შემსყიდველ ორგანიზაციასა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით, ასევე მთელი დოკუმენტაციით, რომლებზეც ხელშეკრულებაში არის მინიჭნებები.
- 1.2. ’შემსყიდველი’ – „ერედვის მუნიციპალიტეტი“
- 1.3. ’მიმწოდებელი’ ნიშნავს პირს, რომელმაც შემსყიდველთან გააფორმა ხელშეკრულება სახელმწიფო შესყიდვების შესახებ.
- 1.4. ’ხელშეკრულების ღირებულება’ ნიშნავს საერთო თანხას, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისთვის.
- 1.5. ’დღე’, ’კვირა’, ’თვე’ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.
- 1.6. "საქონელი" და "მომსახურება" - ხელშეკრულების მე-2 მუხლით გათვალისწინებული შესყიდვის ობიექტი.

### 2. შესყიდვის ობიექტი

- 2.1. შესყიდვის ობიექტია: ერედვის მუნიციპალიტეტის ბალანსზე რიცხული ავტომანქანის ნივას (სახ# AVA371) სათადარიგო ნაწილებით მომარაგების (CPV34300000), ტექნიკური მომსახურების (CPV50100000), საავტომობილო ზეთების (CPV09200000), ფილტრების (CPV42900000) შესყიდვა დანართი #1-ის შესაბამისად.

### 3. ხელშეკრულების ღირებულება

- 3.1. შესყიდვის ობიექტის ფასი განისაზღვრა ლარებში ყველა გადასახადის ჩათვლით.
- 3.2. ხელშეკრულების ჯამური ღირებულება შეადგენს 400.00 (ოთხასი) ლარი 00 თეთრი.

### 4. შესყიდვის ობიექტი მიწოდების ვადები და ადგილი

- 4.1. შესყიდვის ობიექტის მიწოდება ხორციელდება ხელშეკრულების გაფორმებიდან 10 (ათი) სამუშაო დღის განმავლობაში.
- 4.2. შესყიდვის ობიექტის მიწოდების ადგილია: მიმწოდებლის ავტოგასამართი სადგური.

## **5.გარანტია**

- 5.1. მიმწოდებელი იძლევა გარანტიას, რომ საქონლი იქნება ახალი და ხარისხიანი, არ გამოავლენს დეფექტებს და შეესაბამება ხელშეკრულების მოთხოვნებს.
- 5.2. მიმწოდებელი იძლევა გარანტიას, რომ გაწეული მომსახურება იქნება დროული და ხარისხიანი და შეესაბამება ხელშეკრულების მოთხოვნებს.
- 5.3. მიმწოდებელი ვალდებულია შემსყიდველის მხრიდან შეტყობინების მიღებისთანავე განახორციელოს წუნდებული საქონლის/მომსახურების ან მისი ნაწილის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

## **2. შესყიდვის ობიექტის მიღება-ჩაბარება**

- 6.1. შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ, რომელიც დასტურდება მხარეების სათანადოდ უფლებამოსილი პირების ხემოწერებით.
- 6.2. შესყიდვის ობიექტის მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

## **7. ანგარიშსწორება**

- 7.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით მიმწოდებლის მიერ ფაქტობრივად მიწოდებული შესყიდვის ობიექტის ღირებულების შესაბამისად.
- 7.2. ანგარიშსწორება მიმწოდებელთან განხორციელდება შესყიდვის ობიექტის ან მისი ნაწილის მიღება-ჩაბარების აქტის გაფორმებისა და მიმწოდებლის მიერ **სასაქონლო ზედდებულის ან/და ინვოისის წარდგენის საფუძველზე**, შესაბამისი დოკუმენტის წარდგენიდან არაუგვიანეს 10 (ათი) სამუშაო დღის ვადაში.
- 7.3. საქართველოს მოქმედი კანონმდებლობით გათვალისწინებული ყველა გადასახადის გადახდაზე პასუხისმგებელია მიმწოდებელი.

## **8. მხარეთა უფლება-ვალდებულებები**

### **8.1 შემსყიდველს უფლება აქვს:**

- 8.1.1 შემოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან;
- 8.1.2 რაიმე ნაკლის აღმოჩენის შემთხვევაში, აცნობოს და მოთხოვოს მიმწოდებელს ნაკლის დაუყოვნებლივ გამოსწორება.
- 8.1.3 მოითხოვოს მიმწოდებელისგან ხელშეკრულების ჯეროვანი, დროული და კეთილსინდისიერი შესრულება.

### **8.2 შემსყიდველი ვალდებულია:**

- 8.2.1 განახორციელოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად.
- 8.2.2 დაიცვას ხელშეკრულებით გათვალისწინებული პირობები.

### **8.3 მიმწოდებელს უფლება აქვს:**

- 8.3.1 მოთხოვოს შემსყიდველს ხელშეკრულების ღირებულების ანაზღაურება ხელშეკრულებით გათვალისწინებული პირობების შესაბამისად.

### **8.4 მიმწოდებელი ვალდებულია:**

- 8.4.1 უზრუნველყოს ხელშეკრულების პირობების შესრულება.

- 8.4.2 შესყიდვის ობიექტის მიწოდების პროცესში არსებული შეფერხების შესახებ აცნობოს შემსყიდველს.

8.4.3 შესყიდვის ობიექტის მიწოდების პროცესში რაიმე ნაკლის გამოვლენის შემთხვევაში უზრუნველყოს მისი გამოსწორება დაუყოვნებლივ (გაწიოს საჭირო მომსახურება და/ან ახალი შესყიდვის ობიექტის მიწოდება), შემსყიდველის მხრიდან რაიმე დამატებითი ხარჯების გაწევის გარეშე.

## 9. მხარეთა პასუხისმგებლობა

9.1. ხელშეკრულებით გათვალისწინებული შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულებების ღირებულების 0,5%-ის ოდენობით.

9.2. იმ შემთხვევაში, თუ დაკისრებული პირისგასამტეხლოს ჯამური თანხა გადააჭარბებს ხელშეკრულების ჯამური ღირებულების 10%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირისგასამტეხლოს ანაზღაურება.

9.3 პირგასამტეხლოს გადახდა არ ათავისუფლებს მხარეებს მათზე დაკისრებული ვალდებულებების შესრულებისგან ან დარღვევათა გამოსწორებისაგან.

9.4. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.5. ხელშეკრულების მონაწილე მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზარალი, მოქმედი კანონმდებლობით განსაზღვრული წესით.

## 10. ხელშეკრულებაში ცვლილებების შეტანა

10.1 ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 ხელშეკრულების პირობების, მათ შორის ფასის, გადასინჯვა შესაძლებელია საქართველოს კანონმდებლობით დადგენილი წესით.

10.4 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.5. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.6 ხელშეკრულებაში ნებისმიერი ცვლილების ან დამატების შეტანა შესაძლებელია მხოლოდ წერილობითი ფორმით, მხარეთა მიერ შეთანხმების და ხელმოწერის საფუძველზე, რომელიც ჩაითვლება ხელშეკრულების განუყოფელ ნაწილად.

## 11. ხელშეკრულების შეწყვეტა

11.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება გამოსწორების შემდეგ) შემთხვევაში.

11.2. შემსყიდველს შეუძლია მიიღოს დაგაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, მიმწოდებლისათვის წერილობითი შეტყობინების შემდეგთვე:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადებში მიმწოდებელს არ შეუძლია მიაწოდოს საქონელი ან მისი ნაწილი;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის გაკოტრების შემთხვევაში;

ე) საქართველოს კანონმდებლობით გათვალისწინებულ სხვა შემთხვევებში.

11.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

## 12. ფორს-მაჟორი

12.1 ხელშეკრულების პირობების დარღვევა ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

12.2 თუ ფორს-მაჟორული გარემოებების დადგომის გამო სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3 ფორს-მაჟორული გარემოებების დადგომის შემთხვევაში, ხელშეკრულების დამდებმა მხარემ, რომლისათვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

## 13. ხელშეკრულების ინსპექტირება

13.1 შემსყიდველი უფლებამოსილია ხელშეკრულების მოქმედების ნებისმიერ უტაპზე განახორციელოს შემოწმება, რომლის მიზანია შესყიდვის ობიექტის ხარისხის და მიწოდების ვადების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

13.2 ხელშეკრულების ინსპექტირებას და შესყიდვის ობიექტის მიღება-ჩაბარებას შემსყიდველის მხრიდან აწარმოებს ერედვის მუნიციპალიტეტის გამგეობის ეკონომიკური სამსახურის განყოფილების უფროსი ზაური ყაულაშვილი.

13.3 გამოვლენილი ხარვეზის ან ნაკლის აღმოფხვრას ახორციელებს მიმწოდებელი, შესაბამისი ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

## 14. დავები და მათი გადაწყვეტის წესი

14.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

## 15. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2016 წლის 31 აგვისტომდე.

ხელშეკრულება შედგენილია ქართულ ენაზე ორი თანაბარი იურიდიული ძალის მქონე ეგზემპლარად და ინახება ხელშეკრულების დამდებ მხარეებთან.

16. მხარეთა იურიდიული მისამართები და რეკვიზიტები:

„შემსყიდველი“

ერედვის მუნიციპალიტეტი  
ანგარიშსწორების რეკვიზიტები  
ს/კოდი: 218065055  
მის: ქ. თბილისის, დ. აღმაშენებლის გამზ N:89/24  
ა/ა N: GE24MB0330100200165022  
ბანკის კოდი TRESGE22  
ტ: 595 033737

„მიმწოდებელი“

შ.ქ.ს გლობალ მოტორს ჯორჯია-ჯი ემ ჯი”  
ს/კ 406043115  
მის: ქ. თბილისი, დ. აღმაშენებლის#122  
ს/ს პროკრედიტ ბანკი”  
ბ/კ MIBGGE22  
ა/ა N: GE12PC 0133600100060541



დანართი #1

Nº	დასახელება (CPV34300000)	რაოდენობა	ერთეულის ფასი (ლარი)	სულ
1	ბენზონასოსი21214	1	92	92
ჯამი:				92 ლარი

Nº	მომსახურების დასახელება (CPV50100000)	გასაწევი მომსახურების რაოდენობა	მომსახურების ერთეულის ფასი (ლარი)	სულ
1	საწვავის ფილტრის შეცვლა	1	5	5
2	საწვავის წრედის შემოწმება ბენზოტუმბოს შეცვლა	1	80	80
3	ელექტროგაყვანილობის აღდგენა, შეკეთება	5	200	200
მომსახურების ჯამი:				285ლარი

Nº	დასახელება (CPV42900000)	რაოდენობა	ერთეულის ფასი (ლარი)	სულ
1	ბენზინის ფილტრი	1 გ	8	8
2	საწვავის ფილტრი ST330	1 გ	15	15
ჯამი:				23 ლარი

„შემსყიდველი~  
"ერედვის მუნიციპალიტეტი"

„მიმწოდებელი~  
შ.პ.ს გლობალ მოტორს ჯორჯია-ჯი ემ ჯი"



**ხელშერიღი  
ინტერესთა კონფლიქტის არარსებობის შესახებ**

ქ. თბილისი

2016 წლის 29 ივლისი

“სახელმწიფო შესყიდვების შესახებ” საქართველოს კანონის მე-8 მუხლის შესაბამისად ვადასტურებ, რომ “ერედვის მუნიციპალიტეტის” მიერ ავტონაწილებისა და ავტომანქანის ტექნიკური მომსახურების შესყიდვის განხორციელებაში, რომელსაც ახორციელებს შ.ვ.ს გლობალ მოტორს ჯორჯია-ჯი ემ ჯი” ჩვენი მონაწილეობა არ იწვევს ინტერესთა კონფლიქტს.

ერედვის მუნიციპალიტეტის გამგებელი

 ოთარ ცოტნიაშვილი

ერედვის მუნიციპალიტეტის ეკონომიკური სამსახურის განყოფილების უფროსი

 ზაურ ყაულაშვილი